



no. 7

LES
REGRETS
DE CENDRIN.

M. DC. X V.





LES REGRETS DE CENDRIN.

OV les souspirs, mon cœur, où sont ces souspirs entre-coupez, que le ressentiment des ruines de nostre bon pays a desrobé à vostre compassion : où les larmes, mes yeux, ou sont ces charitables larmes, que vous espandez tous les iours a ondées de regret de la lascheté de nos bons François, *Pauvre Cendrin*, qui ne sors iamais de ta maison, que les larmes aux yeux, & les sanglots sur la leure, tirez du profond de ton cœur, travaille de desplaisir de nostre vanité : que dis-tu de l'heureuse issue de nos Estats : De tous les costez des maisons de nos bazanez, on sent l'odeur des parfums, qui bruslent, on voit par tout des bouquets pendus en actions de graces, & satisfaction de leurs crimes, on oit le son des Luths & des flutes, ce ne sont que chants d'allégresse, & tous signes heureux d'une douce resiouyssance ; qu'en dis-tu ? las, Helas, que ie n'ay vn grand, mais funeste subiect de pleurer plus que ne fit iamais mon ayeul, des folies de ceux de son siecle.

Il est vray, il faut, que ie le die, le conseil qui fit prendre à nos Princes & autres bons Fran-

4

çois la resolution d'assembler les Estats, estoit
esclos d'une grande prudence, d'un saint zele,
& genereux courage, & le succès en pouuoit
estre heureux; si, (pardon belles ames qui vous
estes comportées genereusement) on n'eust
mis pour vn avant mets vn plat de pistoles à
l'Espagnolle pour le decret de quelques Depu-
tez? Mais quoy: quel moyen de regarder sans
estre charmé l'esclat de ce mestail, la pluye d'or
faussa la tour d'airain & viola la virginité de
Danaë, si estroittemēt gardée, la desdaigneuse
Atlante s'arresta, au milieu de sa course, char-
mee de la beauté de trois pommes d'or. Et le ra-
meau d'or donna a Enée ouuerture au sombre
Royaume de Pluton: Mais, Messieurs, qui a-
uez vos consciences chargees de ce vice, pour
vn dernier Adieu agréés que ie vous die que
nous ne sommes pas ne pour nous, ains pour
nostre païs, que les loix nous redemanderont
vn iour compte de nous pour leur interest, &
que comme deserteurs de nostre charge nous
en serons punis, hélas que i'en pleure.

Les grandes entreprises, Genereux Princes,
sont tousiours accompagnées des grandes tra-
uerfes, vostre glorieux zele alloit celebrer vo-
stre gloire si vos ennemis ialoux de vostre hon-
neur n'eussent compromis de nostre bon heur
& de nostre repos: Hélas que i'en pleure, mais
courage, croyez moy, tout vient a point qui
peut attendre, quand vn extreme souffrance
d'un peuple genereux, vient a se desnouer, el-
le produit des vengeancees plus grandes, car

5
prenant feu tout a coup elle iette tous ses efforts à la premiere charge. Las, hélas que i'en pleure, & que ie crains qu'à ce iour de courroux, la cire d'Icare ne le fonde à ce feu, les cordages del'hanchre ne se rompent à ce violent orage, & la sagesse de nos vieux Gaulois n'en soit à Guillot le songeur: La France, ie le croy, comme l'inocente Andromede, est exposée aux monstres de quelque malheur, mais elle doit sa deliurance à Persée, a nostre Condé, & les Cieux doiuent ioindre son zele a vostre valeur, & fortifier son espée, des vostres: & bien que le desordre de ce temps semble m'édémêtir, toutesfois ie croy que la prouidence diuine a assez de ressorts & nouueaux secrets pour deliurer la France des menaces de la ruine.

Mais encore, Messieurs, nos Criminels, *Repetundarum. & la se Maiestatis*, vous pouuez vous persuader, quasi l'impunité de vos crimes a esté fauorisée par l'indulgence ou crainte de nos Depûtez? Las que i'en pleure, que vous en deuiez rire, Messieurs, attendez la fin de la farce, ie pourrois dire que si la fortune, couure, defend, & honore nos crimes, & que si nous nous sauons de la loy, que les iugements naturels, & la crainte qui sont des peines secondes, vous deuroient retenir de rire; mais Messieurs, croyez moy, la peine suit de bien prez le peché, elle naist a l'instant avec le peché, qui-conque l'attend, la souffre, & quiconque l'a meritée l'attend, Les Dieux donnent souuent quelque delay, par ce que leur clemence con-

trepointe leur Iustice, & comme il n'y a plus de remede aux coups de leurs mains, ils ayment mieux differer pour vn temps, afin que les meschans ayent loisir de se recognoistre: Ainsi a la fin comme tous les bons Francois ont partage aux trauaux, & a la gloire de ce grand Henry, ils ont aussi part tous au ressentiment de l'assassinat commis en sa personne, & par consequent en prendront la vengeance; Helas, que i'en pleure, pleurez, larmoyez avec moy vous tous qui auez traistreulement espanché le sang de nostre grand Henry, de nostre bon Pere, pleurez vous aussi qui vous iouez du bas aage de ses enfans, & de l'authorité de nostre ieune Roy, Helas que i'en pleure:

Mon Dieu! que ie croye que le Ciel ne leue bien tost le rideau pour nous faire voir les personnages, qui ont ioué ceste sanglante tragedie, ie ne puis: car la verité, quoy qu'obscurie par le nuage du temps, avec le temps se met au iour comme les rayons du Soleil rompent les plus obscures & espesses tenebres: C'estoit ce que les anciens Prestres des Idoles sembloient signifier, quand sacrifiants a leurs Dieux, ils ne decouuroient la teste qu'au sacrifice de Saturne, auquel ils attribuoient la verité, pour monstrier que comme, ils se decouuroient en sacrifiant a ce Dieu, qu'aussi la verité a la fin se decouure, & pourquoy ils la croyoient fille du temps? & que ie ne croiray qu'a ce grand iour les bons François ne soient a ces traistres, comme vn Cambises enuers les

Sifanes, vn Angelilaus enuers les Theffaliens, & vn Antigone enuers les Massias, & que tout ne ruiſſelle de ſang de ces meurtriers, & de ces parricides: ie le doibs puis que le ſang le purge par le ſang; Mais que i'en pleure.

Que ie croye auſſi que ce deſordre dure long-temps: que les petites planettes paſſent par le chemin, ou paſſe le Soleil: que l'eſtranger precede en honneur ceux qui ſont du pais. Non ie ne le puis croire: car comme la Nobleſſe de Rome ietta les anneaux d'or quand elle vit que Flavius affranchy d'Appius eſtoit pourueu de l'eſtat d'Edile Curule, qu'on donnoit ſeulement aux ſeigneurs les plus ſignalez en merites & en ſeruices, Auſſi ie crains que tant de braues & genereux courages perdent patience; Il eſt vray, c'eſt vne belle gloire de faire du bien, mais il faut regarder le merite de la perſonne, en ce qui regarde l'honneur. Auguſte Caſar eſtoit liberal en dons enuers ceux qui le meritoient, mais il eſtoit eſpargant des pures recompensés d'honneur, d'autant que l'honneur eſt vn priuilege qui tire ſa principale eſſence de la rareté & de la vertu meſme; il n'eſt plus en ſon aduantage, s'il eſt paſſé en couſtume: Car les loyers d'honneur n'ont d'autre prix que cettuy-cy. **Q V E P E U D E G E N S** en ioüyſſent, & puis il faut que ce ſoit le payement d'un Capitaine fameux, & d'une experience belliqueuſe, & qui ſoit encore de condition accommodable à vne telle dignité, car il ne faut pas loger vn Piſandre au

rang des genereux courages, d'autant qu'ils ne
 daignent s'aduantager de ce qu'ils ont de com-
 mun avec de gens de peu en ces charges rele-
 uees tel compagnon en diminuë le merite. Et
 quoy n'est-ce pas raualer la gloire de ceux, dōt
 le bras à honoré leur renommee du los de mil-
 le valeureux exploicts, de l'associer avec celuy,
 des exploicts duquel personne n'a cognoissan-
 ce, & desquels la nuit seule peut rendre quel-
 que tesmoignage, pource qu'ils ont eu honte
 de paroistre au iour, quelle grace, de voir vne
 des plus belles & importantes charges de l'E-
 stat entre les mains des personnes qui iamais
 n'ont paru aux armes: iamais n'ont mis la main
 a l'espee, iamais endossé cuirasse, ny peut estre
 picqué cheual: il ne faut pas que les lieux ho-
 norent les personnes: mais les personnes les
 lieux, il faut quel'honneur de ces belles char-
 ges reialisse plustost de la vertu à la personne,
 que de la personne à la vertu: Au moins si ces
 ames, à qui la fortune est si fauorable, faisoient
 quelque belle saillie d'honneur. Et si comme ce
 Romain, mocqué de son nom, dict qu'il ren-
 droit le nom des Cicerons plus illustres que
 ceux des Catons, des Catulles; ny des Scaures,
 commençoient à se mettre sur le bien faire, &
 si comme les Romains, qui portoient le nom
 du bestail qu'ils nourrissoient, estans cepen-
 dant trestous nourris à l'honneur, se releuoient
 & se mettoient sur selle l'espee au poing au pre-
 mier tantare de trompette: Helas ien'en pleure-
 rois pas; Mais arrestez vous là tireur l'aîné, du
 Marquisat

Marquisat, n'aspirez pas à la Duché, de peur qu'à presauoir esté fait Baron de la plume, Marquis d'Anchre, vous ne soyez Duc de papier, & ne prestiez la plume & l'anchre pour écrire sur ce papier la memorable histoire du progrez de vostre fortune, las que i'en pleure.

Et encore que ie croiray, que si par la facilité de plusieurs de nos Deputez: l'aliance d'Espagne a esté confirmee, que nous n'ayons encore des Condez, des Neuers, des Longueuilles, des Vandosmes, des Luxembourgs des Turennes, des Rouans, & des Desdidieres: qui auront l'œil au bois & aux menees qu'on pourroit faire sous ce beau pretexte d'Amour, aux des-avantages, & aux ruines de cest Estat: ô que ie le croy bien. Ouy braues Athletes, tous nourris sous les palmes de vos ancestres, & sous les lauriers de vostre gloire, ie le croy: Et puis que vous estes le seul rempart de la grandeur de vostre ieune Roy, & la seule tour d'airain qui n'a peu estre percee par la force de cet or de Castille, i'espere que vous ioindez à la grandeur de vostre zele, le merite de vostre valeur, Ainsi representez-vous tousiours au deuant de vos ambitions le seruice de vostre ieune Roy, & l'honneur de vostre patrie, si c'est vn arrest du destin, que la gloire de cet Estat ne doiue pas long-temps fleurir, faites que le fer, ou le feu de l'ennemy en soit la ruine, plustost que ces menaces, & ces corruptions, s'il nous faut estre miserables, qu'il n'yaye point de crime, attaché à nostre misere: s'il nous arriue des infortunes, que ce soit sans les attirer sur nous par nos fautes, pour le moins il nous sera permis à lors

de les plaindre en public, nous n'aurons point
 subiect de les taire ny de honte meslee parmy les
 larmes que nous en ietterons : Ainsi comme les
 Thiriens enchainèrent la statuë d'Apollon avec
 celle d'Hercule qui estoit leur protecteur, afin
 que si dauanture Appollon offensé de leurs cri-
 mes, s'en vouloit aller, il fust arresté, car ils
 croyoient que leurs Dieux s'en alloient inuoués
 par les estrangers, aussi, puisque nous voyons que
 l'Estranger pour attirer les Dieux tutelaires de
 nostre bon-heur tache de les corrompre, atta-
 chons les à Hercule, ie veux dire à la valeur de
 nostre espee, representons nous la valeur du ge-
 nereux sang de ceux, dont nous auõs tiré la nais-
 sance, armons nous du mesme courage, dont ils
 ont terrassé tant de fois cét ennemy de nostre
 gloire, & ne laissons perdre l'honneur, que nous
 ont acquis nos ancestres, autrement ie pleure.
 Helas, Messieurs, ne voyez vous pas vostre grand
 Henry, vostre genereux Hercule, sur le Pont-
 neuf à cheual armé de toutes pieces, le visage
 tourné vers le Palais qui demande Iustice & de sa
 mort & de ses ruynes qu'on dresse à son Estat.
 Helas prenez sa cause, ô François, ô bons Fran-
 çois, les iustes regrets veulent, que vos armes
 vengent sa mort, & les ruines de cest Estat, ioi-
 gnez les vostres à celle que la douleur semble luy
 auoir fait prendre apres sa mort, secourez son
 deuil de vos forces, afin qu'avec vostre aide vne
 pieuse vengeance appaise l'ombre de ce braue
 traistreisement meurttry. Nous sommes tous
 Dieux, disoit vn certain, quand nous auons le
 cœur d'entreprendre ce que nous desirons; il faut

oser beaucoup pour nous rendre la fortune favorable, ne luy denions donc ce dernier deuoir, autrement, ie pleure, ie pleure.

Tout beau, tout beau, Messieurs nos criminels, ne riez pas encore de la closture de nos Estats. Dieu manie les fortunes & infortunes de ce monde, selon sa disposition occulte, l'hiver a ses glaces, comme l'esté ses chaleurs, & l'air intemperé traîne les malignes influences: il n'est pas temps de rire, croyez-moy, les fortunes les plus esleuees, penchent tousiours du costé de leurs ruynes & les Beaux du Ciel, tombent sur ces testes orgueilleuses, qui en la vaine image, ou en l'ombre plustost d'un bon heur passager se figurent d'inuidables felicités, les charmes d'une bonne fortune sont perilleux. le pere d'Alexandre est troublé au milieu de ses succez: Ouy, Messieurs, la prosperité nous chatouille, afin de nous faire trouuer plus rude la mer de l'aduersité, qu'elle ameine en queue, & se seruir de nous mesme pour la faire aduancer, & la hauteſſe de nostre fortune ne sert que pour d'autant plus nous rendre sensibles a la douleur, & nous faire tomber de plus haut, l'aduis que donna sur ce subiect Simonides a Pausanias, d'auoir tousiours le souuenir de sa nayſſance deuant les yeux pour retrancher a sa vanité l'occasion de se perdre: Helas, ie pleure quand ie remets en memoire la tragicque fin de l'heureux Policrates, & quand ie vois que pour un contr'eschange de tant de bon-hoeur la fortune luy prepare un cordeau pour le pendre.

Mais, cependant, Messieurs nos bons Princes, si vous ne prenez garde a vous maintenir, on per-

dia la crainte de vostre autorité: Ne vous apperceuez-vous point combien vostre souffrance a diminué de vostre pouuoir, Les parolles femelles vous brauent, l'escriitoire en faict de mesme: car l'affecte de les imiter & se flatte d'esperances toutes pareilles, si vous auez quelque soing de vous mesme, si l'ambition de nostre grâdeur vous touche, seruez-vous de vostre autorité: c'est celle qui vous doit faire recognoistre:& quoy auourd'huy l'orgueil sera-il desbordé si outrageusement qu'il suscite des geans, qui bouffis de presôption, veulent aller planter leur enseigne au dessus des lambris fleurdelisez, pour s'asseoir aux sieges des habitans des Cieux, las, Helas que i'en pleure.

Mais, encore que i'en pleure, de voir que la pitié, & la pitié couchées par terre sont maintenant foulées aux pieds: que le remède de nos Estats soit pire que le mal, si lors qu'on respondra aux cayers, on n'apporte au public quelque retranchement de tant de foule, & de tant de subside, que de cris du pauvre peuple que i'entends, ie n'entends que ces tristes lamentations nos Deputrez nous ont delaissez, Ha! i'en pleure, & ie voudrois que le bruiet fut plus grand que le mal, mais contre mon desir, & avec mon regret. Ie treuve que le mal excède le bruiet, Grand Dieu, zélé protecteur de la gloire de ceste Monarchie, detournez les desseins qu'on peut dresser aux ruines de cet Estat, gauchissez ce coup: & ne permettez que le sacré feu de Vesta soit estaint, donnez-nous le temps de voir nostre ieune Roy, en estat de recognoistre ceux qui sont seruiteurs de son estat, de pouuoir venger des armes de son

iuste courroux, le cruel parricide de son pere, & pour l'heur de ses armes nous redonner nostre ancien bon hoer, mettre ce grand corps en repos, & par des ordonnances plus equitables, que celle de nos États, reigler & reformer ce grand, & general desordre, Helas, mais cependant, que de pleurs, que de larmes.

Paüres subiects, ie voudrois par mes consolations esleuer la constance de vos ames, pour alléger l'aigreur de vostre mal; vous auez subiect de vous affliger: Mais quoy: il n'y a que le tēps qu'y puisse remedier? Courage, la nuit porte en trouble le iour, la tempeste le calme & la bonasse, les maux ont leur Amen, comme les biens leur inconstance, & peut estre à ceste responce qu'on doit faire aux Cahiers de vos Deputez, la compassion plaidera pour vostre misere; & puis iettez les yeux de vostre ame sur mille maux semblables, que vous auez par le passé soufferts, & vous es-prouuez qu'un tel obiect adoucira le fiel de vos douleurs; Vous ne pouuez blâmer nos Princes, sinon d'auoir esté trompez sous les esperances qu'on leur donnoit, qu'aux eslections des Deputez, les voix ne seront violentées, que les Deputez seroient entiers, & sans passion, qu'à l'assemblée des États on auroit liberté de parler? Helas, que de pleurs, & de larmes, si on eust parlé: Mais quoy! comme la Luberne tire à soy tous les animaux par son odeur, cachant la laideur de son regard, pour mieux les surprendre, Helas i'en pleure, de voir comme les faux amis de cet Estat, pour conduire leurs ruineux desseins à leur fin, par de belles protestations de bonne volonté, &

apparences du bien public, apres auoit faict porter les armes à nos Princes ont tant faict ('pour leuer le plus grand obstacle qui s'opposoit à leurs menées) qu'on a tenu les Estats à Paris, ou ils ont auec aisance par la timidité de nos Deputez, qui erroiēt estre comme en prison, tire party de leurs passions, las, mais las, que i'en pleure !

Mais quoy ! n'est-il pas vray qu'il faut porter sur le front ce qui est en l'esprit, comme dict Plorin, que le visage n'est qu'une ame racourcie, & comme son escusson à plusieurs quartiers, que les graces non assises, mais plantees, non escrites, mais burinees sur nos fronts, ne doiuent trahir, ny falsifier la bonté de nature, qui de son vray coing, a imprimé nos naturels sur nos fronts mesmes. Mais, hélas, que i'en pleure: tout a degeneré, le front nous trompe la parole, & tout nostre faict n'est composé que de pieces faulses, & comme vn Ethiopien disoit contre les parfums & la pourpre des Perles, que les huilles & habillemens des Perles estoient trompeurs, trompeuses sont aussi les figures du parler tout y est enucloppé, & tournoient à l'environ, rien de clair, ny de fin, comme les peintres qui rendent les choses claires plus apparentes & plus eminētes par les ombres qu'ils mettent à l'entour. Hélas que i'en pleure, vous en pleurez aussi braue Bourbon, & comme par droit de primauté & d'affection, vous auez interest à l'estat, aussi vous deuez pleurer d'ouyr tant de lamentables clameurs, tascher d'y apporter quelque lenitif: & en vn mot releuer par vostre prudence ceste panchante couronne: vous auez esté trompé en la creance que vous auez

que les ennemis de cét Estat faisoient par raison, & par la consideration du bien public, ce qu'ils n'ont fait que pour aduantagez leurs pernicious desseins: Il est vray; l'exterieur a trompé vostre zele, mais quoy? deuant que s'embarquer, vous deuiez pour recognoistre le vêt, ne deplier qu'un bout des voiles, & l'ayant recogneu sans hazard voguer apres en assurance sur ceste mer. Mais quoy? pardon à vostre zele, vos considerations par trop sages offensent vostre qualiré, & trahissent vostre merite: croyez moy, les destins ont reserué à vostre bras vainqueur la gloire des ruynes des ennemis de la grâdeur de cét Empire, vous estes le fleau destiné des harpies de cet estat & du parricide de nostre Grâd Henry, quelle raisô dôc vous fait retarder, la gloire des seruices que vous deuez à vostre ieune Roy, & à la memoire de ce grand Henry, l'iniure qui luy a esté faicte nous doit animer naturellement à la vègeance ou nous degenererions de la valeur & du courage de nos predecesseurs, & puis si la voix du peuple, est la voix de Dieu les cieux irritéz de ce cruel assassinat, & des ruynes de ceste Monarchie, ourdissent leurs disgraces & vous promettent de la gloire à leur desaduantage, Helas, que ie pleure que cela ne soit: Et vous braues Princes, braues François, Braue de Neuers, qui sans decry voyez vostre reputation à prix courant par tout le monde, & qui cōme le Roy Atheas, n'aymes d'autre harmonie que les hannissements de cheuaux & fanfares de Mars, & vous braue de Longueuille, qui autant ennemy del'estranger que vos predecesseurs ont esté animez à leur ruy-

ne, a ces premieres orées de vostre courage, paroissez non traissant l'aisle en terre, non avec le pied droict d'une tortuë, mais porté sur l'air d'une genereuse ambition, & à quil'attâdre fâche plus que le combattre, & vous braue Vendosme qui digne heritier des genereuses vertus du pere, ne desirez auoir d'autres escussions, ny d'autres armoiries de vostre valeur, que les playes d'un esto-mac bresché de coups. Et vous Braue Luxébourg, qui sorty de la tige des plus grands Empereurs du monde, tous zelez au seruice de cét Estat, suivez pas à pas leurs traces, croyez que l'honneur de vos actions & du zele que vous auez voué au bien de ceste Monarchie, ne se peut escrire, que de vostre sang. Et vous tous qui n'avez a la bouche, ny sur le cœur, que *Viue le Roy, viue la France*: Escoutez la priere que la France vous faict pour son ieune Roy: *Cher sang de mon sang, heureux enfans, par lesquels ie m'estime heureux, enfans qui seuls releuez mon courage, & me donnez des forces, permettez-vous qu'on deschire le sein de vostre mere, Helas. ie pleure, secourez vostre Mere. Messieurs, reparez la faute de nos Deputez.*

Audiat hac Jupiter, qui fœdera fulmine sancit.